

讀史方輿紀要

辛丑仲秋

安師題簽

雲南方輿紀要序

雲南古蠻瘴之鄉去中原最遠有事天下者勢不能先及於此然而雲南之於天下非無與於利害之數者也

其地曠遠可畊可牧魚鹽之饒甲於南服石桑之弓

出鶴慶永甯二府境

黑水之矢

蠻夷居黑水內善造毒矢著聞立死今其種散居諸郡山谷間

獾獠

蠻獠之人率之以爭衡天下無不可爲也然累世而不一見者何哉或曰雲南東出思黔已數十驛山川間阻

倉卒不能以自達故也吾以爲雲南所以可爲者不在黔而在蜀亦不在蜀之東南而在蜀之西北元人取道

瀘州置驛於永甯赤水之間蓋用蜀之東南明初取道貴州置驛於普定普安之間則又棄蜀而專事黔矣大

都郵驛之設以京師爲向背而奪其徑易之路示以畫一之途亦制馭疆索者所有事也沿襲漸久遂徇耳目

而廢其心思若謂雲南要害含黔中無可計者是亦不知變也已明初規取雲南太祖諭傅友德曰關索嶺路

本非正道正道又在西北此亦不專事黔中之一驗也吾觀從古用兵出沒恍惚不可端倪者無如蒙古忽必

烈之滅大理也自臨洮經行山谷二千餘里自金沙江濟降摩荻入大理分兵收鄯闡諸部又入吐蕃悉降其

衆夫從臨洮而抵金沙亦不過二千里行軍於無人之地更不事假道蜀中也夫彼可以來我何不可以往設

有人焉出麗江而北招納諸番結以信義徑上岷岷直趨秦隴天下之視聽必且一易以爲此師從天而降也

或者曰此上策也然而未易言矣請言其次者則盍觀蒙氏之已事乎蒙氏之初以小夷偏僂并有六詔吾計

其時唐之天下尙無事也而首發大難者乃在南詔鮮于仲通李宓喪二十萬之師而南詔之勢遂成太和三

年嘗陷戎嵩卽三州徑抵成都寇東川大掠而去蜀中爲之虛耗大中十三年寇播州陷之咸通四年寇西川

六年陷嵩州

先是咸通二年寇嵩州是年又陷嵩州又咸通元年至五年再陷安南亂管

十四年寇黔中十五年寇西川明年逼成都乾符初復寇

西川蓋當天寶之時以迄咸通乾符之季中國疲於奔命者後先厯見論者謂唐之式微繇宦官蠹其內南詔

擾其外也夫南詔以一隅之地而能爲中國患如此者必取道會川而北徑走成都也或者據韋齊休之說以

爲清溪關能引雲南之寇宋棄嵩州而蜀遂無邊患自此以後古道遂湮此非通論矣夫棄清溪關必先棄嵩

州嵩州今阪圖內地也明初大理總管段寶聞太祖開國遣其叔段真從會川走金陵奉表歸順此出何道乎

今永甯浪蕩北勝以東姚安武定以北皆與蜀之鹽井會川東川接界自諸葛武侯平南中以迄王建之破鄧

晏明玉珍之侵中慶皆取道於會川之南特未嘗規模前烈赫然敗疆以梁益爲先務耳故道豈盡榛蕪也且

臨洮可以創行而越金沙建昌何不可循跡而問兩川乎或又曰往時雲南所以爭蜀者以蜀爲富饒耳今時

勢已異兩川數千里間盪爲邱墟得其地誰爲之耕得其城誰爲之守蜀所以不足問也予曰此又不然蜀中

幅員廣遠山川修阻亂寇之剪屠大抵成都最甚其竄徙窮僻保聚山谷者時亦不乏焉誠廣爲招徠厚其生

殖擇噤喉之地畫而守之且耕且屯嚴爲訓練敵來攻我勢未能旦夕下也轉輸則長安以南道途險遠出掠

則村落鮮少清野無虞此亦坐制敵人之策矣或曰子之坐籌若有餘矣惜未身閱其際也方東道孔棘時專

力以圖之猶懼不足尙能從容北顧爲多方誤敵之謀哉予曰此誤於不早圖也昔祖逖以單弱之旅慷慨渡

口及屯雍邱居然重鎮以劉曜石勒之強不能爲之難使今有遠猷者出焉統罷散之卒入空虛之地措置有方應援盡中安在不可奮然有爲而逡巡失據望敵氣沮使敵勢日彰而吾境日蹙以至於亡也且也吾專拒敵於東而敵果不能爲我患是亦可也我拒敵於東而敵忽乘之於西又將何以應之哉俟敵之加我而後分兵以應之何如敵未加我而先發以制敵使敵不能測吾之虛實也上策旣未可行中策又不知法而局守於曲靖晉安之郊此最下策也太祖固言之矣曰關索嶺非雲南正路也何其不三復乎此也君子蓋觀於蒙氏之所以興及段氏之所以亡者而未嘗不爲歎太息也





讀史方輿紀要卷一百十三

常熟顧祖禹景范輯著

雲南一

禹貢梁州南徼地殷周時皆爲蠻夷所居或曰卽百濮之國也逸周書獻令西南有產里百濮產里或曰今之車里百濮蓋以種分百國而名其在天

文亦井鬼之分野漢武帝元封二年間西南夷滇王降以其國置益州郡屬益州部後漢增置永昌郡亦屬益

州部三國時爲蜀漢地又分益州置交州後主建興二年改益州郡爲建寧又增置興古雲南二郡以南中閬

治晉泰始七年改置甯州太康三年復省入益州立南夷校尉以護之大安二年復置甯州自是郡縣增置益多咸康四

年分置安州晉春秋太甯以後甯州沒於李蜀咸康四年蜀李壽篡立分牂牁夜郎朱提越嶲置安州既又分

李壽所置而八年仍并入甯州晉志是年以越宋齊因之梁大同中改置南甯諸州承聖末沒於羣蠻隋開皇

十七年復開南中仍置南甯州領羈縻數十州後又領於益州都督府唐武德四年置姚州管羈縻州貞觀大

年於戎州置都督府督南中一十七州後因之天寶元年戎州督羈縻三十六州自開元之季南詔漸強會要

二十六年冊南詔蒙歸義爲雲南王歸義之先本哀牢夷也其地居姚州之西東南接交趾西北接吐蕃蠻語

謂王曰詔先有六詔曰蒙舍蒙越蒙析浪穹漾備越澹兵力相埒莫能相一蒙舍最在南謂之南詔是時皮邏

閣寢強大而五詔微弱會有破洱河蠻之功乃冊爲王仍賜名歸義於是以兵威脅服羣蠻不從者滅之遂擊

破吐蕃徙居大和城天寶以後大爲邊患南詔記六詔者一曰蒙舍詔今蒙化府是二曰浪穹詔今浪穹縣是

後移今劍川州改浪劍詔三曰鄧賧詔今鄧川州是亦作澄賧詔四曰施浪詔今浪穹縣蒙次河山之地是亦

作施浪詔五曰摩些詔今麗江府是亦作越析詔六曰蒙篤詔今四川建昌衛是蒙舍最南謂之南詔五詔皆

爲所併滇記云滇西六詔之外又有時旁詔矣川羅識詔謂之八詔此外不稱詔者北有浪稽蠻羅哥谷蠻東

有些狄蠻烏皮蠻南有離東蠻鍋鏹蠻西有摩些蠻與南詔越析相姻婭皆哀牢雜種九十九部之後也諸蠻

合併而為八又天寶九載遂有雲南之地僭國號曰大蒙白虎通戰國時楚莊王據滇號為莊氏漢元符間莊氏後有嘗先者與白匡王爭衡武帝乃立白仁果

為滇王而躡嗣絕仁果傳十五代為龍祐那當蜀漢建興六年諸葛武侯南征師次白匡立為酋長賜姓張氏遂世據雲南或稱昆彌國或稱白國或稱建甯國歷十七傳當唐貞觀世張樂進求以蒙舍酋細農羅強遂逐

位焉蒙氏者烏蠻別種也永徽四年細農羅遣使入朝上元元年子羅炎晟立太極元年子晟羅皮立唐封為臺登郡王開元二十六年子皮羅閣立以破洱河蠻功乃路劍南節度王昱求合六詔為一昱為請於朝許之

賜姓名蒙歸義冊為雲南王自是益強天寶八載子閣羅鳳立始叛唐取夷州三十二進陷鶴州稱曰吐蕃僭國號曰大蒙其地東至銅柱鐵橋蟠桃王榆東南交趾南至驃國木落山西至大食西北至吐蕃北至神川東

北至黔巫回環萬里貞元十年改國號曰南詔貞元四年吐蕃冊為日東王五年復歸唐十年請改國號南詔

西南夷中稱為最強載記與牟尋初立大和十三年改稱大禮異牟尋之子曰晟豐祐太和三年復叛唐大和十三年豐祐死子祐龍立

常改國號大理云晉稱帝國號大禮死子隆舜立隆舜為其臣楊登所弒子舜化真立唐書乾符四年大禮酋龍卒子法立國號

鶴拓亦號大封人龍即祐隆也一作世隆一作祐龍法即隆舜也又南詔曰尋閣勸以後其君皆稱驃信猶中國稱

帝云光化四年國亂改稱大長和蒙氏自細農羅傳至舜化真凡十四世二百四十七年其臣鄭買嗣奪化真位而滅其國改國號大長和卒子曼嗣曼卒子龍宣嗣為其臣楊干貞所弒

鄭氏傳三世二十八而國滅後唐天成三年國號大天興明年稱大義甯楊干貞殺鄭隆宣而推其黨趙善政立之國號大天興僅十月干貞自取之國號大義甯於是段思

平起兵討平之趙氏石晉天福二年屬於大理宋初因之釋年運志段氏之先為武威郡白人有名儉魏者佐閭羅鳳有功六傳至思平而有國改號大理十傳至

段慶義為其臣楊義貞所弒自稱廣安皇帝凡四年而段氏臣高昇太以東方兵討滅之立自熙甯八年以後慶義子壽輝復廢之而立其庶弟正明五年正明避位為僧國人共奉昇太為主而段中絕

段氏衰元祐元年高氏代立號大中國元符二年段氏復興號後理國高昇太既代段氏將卒囑其子太明求段氏後正諒立之於是段氏復有雲南

地淳祐十二年為蒙古憲宗蒙古忽必烈滅大理自正諒至段興智凡七傳而國滅前後凡二十二傳歷三百

孫世守其職元至元十三年立雲南等處行中書省治中元亡其梁王把匝刺瓦爾密及段明分據其地洪武十五

年討平之段氏自段實暨段明有十一總管與元氏共為存亡始置雲南等處承宣布政使司今領府共二十二內羈縻者十一州共四

十一內羈縻者亦十一縣三十內羈縻者二又羈縻宣慰司六宣撫司四安撫司二長官司二十四總為里六百二十四

夏秋二稅大約十四萬五百八十九石有奇而衛所參列其中今仍為雲南布政使司

雲南府屬州四縣九

昆明縣附郭富民縣宜良縣

羅次縣

晉甯州屬縣二

歸化縣呈貢縣

安甯州屬縣一

祿豐縣

昆陽州屬縣二

三泊縣易門縣

嵩明州

曲靖軍民府屬州四縣二



南甯縣 附郭 亦佐縣

霽益州

陸梁州

馬龍州

羅平州

尋甸州

臨安府 屬州五 縣五 長官司九

建水州 附郭

石屏州

阿迷州

甯州

通海縣 河西縣 嶠峨縣 蒙自縣 新平縣

新化州

納樓茶甸 已下皆長官司 教化三部 王弄山 磨容甸 溪處甸 思陀甸 左能寨

落空甸 安南

澂江府 屬州二 縣三

河陽縣 附郭 江川縣 陽宗縣

新興州

路南州

廣西府 屬州三

師宗州

彌勒州

維摩州

廣南府 屬州一

富州

元江軍民府 屬長官司一

因遠羅必甸 附郭

直隸 者樂甸長官司

楚雄府 屬州二縣五

楚雄縣 附郭 廣通縣 定遠縣 定邊縣 碭嘉縣

南安州

鎮南州

姚安軍民府 屬州一縣一

姚州 附郭

大姚縣

武定軍民府 屬州二縣一

和曲州 附郭

元謀縣

祿勸縣

景東府

鎮沅府 屬長官司一

祿谷寨

大理府

屬州四 縣三 長官司一

太和縣

附郭

趙州

屬縣一

雲南縣

鄧川州

屬縣一

浪穹縣

賓川州

雲龍州

十二關

洱海衛

附見

大羅衛

附見

鶴慶軍民府

屬州二

劍川州

順州

麗江軍民府 屬州四

通安州 附郭

寶山州

蘭州

巨津州

永甯府 屬長官司四

刺次和

革甸

香羅

瓦魯之

直隸北勝州

瀾滄衛軍民指揮使司 附見

蒗蕨州

永昌軍民府 屬州一 縣二 長官司二 安撫司一

保山縣 附郭 永平縣

騰越州

潞江安撫司



鳳溪 施甸

騰衝衛

附見

蒙化府

順甯府

屬州一

雲州

車里軍民宣慰使司

緬甸軍民宣慰使司

木邦軍民宣慰使司

八百大甸軍民宣慰使司

孟養軍民宣慰使司

附大古刺宣慰使司

老撾軍民宣慰使司

南甸宣撫司

干崖宣撫司

隴川宣撫司

孟定府

耿馬安撫司

孟良府

威遠州

灣甸州

鎮康州

孟密宣撫司

蠻莫安撫司

鈕兀長官司

世市長官司

孟璉長官司

茶山長官司

麻星長官司

東接黔蜀 雲南與貴州四川接壤今行旅所經有東西兩路而皆以曲靖爲孔道從辰沅經貴州出威清平

邛笮定安南越普安州入雲南界遵平夷而達曲靖者此東路也從巴變經瀘州出永甯赤水畢節為

七星關入雲南界遵霑益而達曲靖者此西路也志云雲南之門戶有四曰古路曰西路曰東路曰間路自

邛雅建昌會川渡金沙江入姚安白崖者古路也秦常頌音案略通五尺道至蜀諸葛武侯始大關之謂之南

道亦曰石門道唐書韋臯傳石門者隋史萬歲南征所開也天寶中鮮于仲通下兵南溪今見四川叙州府道復閉

至是蠻徑北谷近吐蕃臯復治之繇黎州出邛部直雲南置青溪關見四川重險始遣幕府崔佐時復從此通南

詔又蜀王建時繇此擊雲南俘斬數萬自宋以後此道閉塞西路亦曰姚嵩路唐天寶中出師繇之元季始

置郵傳於此東路則肇自莊躋而立驛則自明初始若繇重慶綦江七驛至遵義又六驛至貴州所謂間道

也諸葛武侯遣李恢關索分道南征又馬思撫定牂牁皆繇此此四路者主黔蜀而言也若從廣西而入雲

南又有二道皆會於宜良萬歷三十二年普湖驛丞李仲登請開廣西路以便雲南其略曰雲南富州與廣西賓州接界僅隔一江欲開水路則從宜良路南彌勒維摩至水下江沙舟過富

州計程不過六日往時有在城驛回部驛維摩驛阿母驛今皆荒廢欲開陸路則從宜良師宗塊卜古彰陽

建計程八日至泗城州田州通計二十日中間平川坦道接二岔江入京師不過七十四站水陸通渠較近

二十餘站中惟善鮮鵝埂馬蚌古彰夜得板羊從安南而入雲南亦有二道皆會於蒙自永樂中平安南分

阿拜等村設驛四站土壤饒沃道路易通不果自縣河馬隘入交州循洮江左岸者皆山險崎嶇此間道也今詳廣西安南其餘蹊徑岐途不可更僕數矣

楊氏曰昔諸葛武侯入南中分軍一出牂牁今四川遵義府而一向益州今曲靖雲南皆古益州郡也而躬率步騎渡瀘

入越嵩今四川建昌行都司入姚安府境是也隋史萬歲平南蠻自越嵩馬湖青蛉弄棟而入即其道也自是有事南中者未嘗不師武侯之成法也唐天

寶九載鮮于仲通伐南詔統大軍出南溪路

今四川叙州府

分遣越巂軍出會同路

見建昌行都司

安南軍出步頭路

步頭今臨

安府十三載李宓伐雲南亦分二道宓自蜀入

宓時爲劍南留後侍御史

廣南節度使何履光督軍自海道入

又貞元五年異牟尋謀歸

分遣信使緜西川黔中安南三輩俱建於成都安南路卽所謂海道也

宋寶祐初蒙古攻大理次忒列

在此蕃境內

分軍一從西道入

曰晏當路在今麗江府徽

外一從東道入

路由白蠻卽今姚安或以爲曲靖路悞也

忽必烈將勁騎從中道入

從越巂渡金沙江至北勝州此中道也

元至順初遣撒里帖木

兒擊雲南叛者

時雲南諸土酋等爲變

亦分軍一自四川進一絲八番進

今貴州也

又至正二十四年明玉珍攻雲南分兵

三路一絲界首入

在叙州府

一絲建昌入一絲八番入明朝洪武十四年傅友德等帥師討雲南分軍出四川永

甯趨烏撒而大兵自辰沅出貴州向曲靖此從來攻取之大勢也

南控交趾

自廣南廣西臨安元江以及車里老撾二宣慰司之南皆安南國地

西擁諸甸

自永昌以西皆蠻甸環立爲邊徼外籬

北距吐蕃

永甯麗江皆與吐蕃接界今西番諸夷是也明初旣平雲南裂吐蕃二十三支分屬沿邊郡邑轄

以土官於是控制在我侵叛絕少蓋得御番之上策矣

其名山則有點蒼山

點蒼山在大理府城西五里高千餘仞盤亘百餘里

一云高六十里盤亘三百里

介龍首龍尾兩關

之間前襟榆江碧瀾萬頃背環漾水連絡爲帶亦曰靈鷲山有十九峯環列內向如弛弓然山椒懸瀑注爲

十八溪翠巒條分青嶂並峙如大鳥之連翼將翔也後漢書志山似扶風太乙之狀鬱然高峻與雲氣相連